

皇明經世文編

皇明經世文編卷之四百六十一

華亭

徐孚遠闇公 陳子龍臥子

編輯

宋徵璧上木 夏允彝璠公

朱 積早服參閱

蒼霞正續集

書

葉向高

答劉雲嶠

事權

得教甚慰、時事艱難、束手無措、非面晤不能述、非吾丈親在此不能信也、閣中無事、取起居注徧閱之、每

于官府之際。細加參究。因知今日之壅隔。其受病甚

深。由來甚久。蓋當

任權之過。乃至失柄。江陵吳主上冲年。江陵爲政。一切政事。

門俱失之也。不相關白。至于起居食息。皆不自由。上心積憤不

堪。深惡臣下之操權矣。代者窺見此意。曲爲將順。後

來相沿。無所改正。又聖明深居日久。更防太阿旁落。

臣下一言一動。皆以爲竊權。爲市恩。而士大夫日逐

所爭。閣部日逐所請。無非官爵一事。上洞見其情。

操之愈急。故雖千言萬語。而卒不能入也。且如枚卜。

事。上本不欲速行。而言者又張皇其辭。以爲大物。

北人與南人爭，外衙門與內衙門爭，內衙門又自爲
爭，卽其人不爭，而附麗推戴者又爲之爭，人各有心
衆各有欲，累牘連章，煩瀆天聽，如此則安能而不厭
安得而樂從乎？此皆不肖之最苦者也。又有甚難處
者，向時士大夫雖門戶各分，而途徑猶未甚雜。今則
岐路之中，又有岐路，千態萬狀，難以具陳，卽平日相
知之人，皆爲戈戟，平日號爲君子之人，皆不相容，而
爲執政者，左右之袒微分，猜嫌之釁便構。昔人謂兩
出此數言姑之間難爲婦，以今觀之，兩婦之間亦難爲姑，而况

神廟末年士大夫情形，不

其不止于兩哉。主上千言者紛呶，本所不喜，不肖極力維護，又賴聖度之如天，方得無恙。竊意群情方闕之時，且宜鎮之以靜，示之以包容，俟其曲直旣明，成敗自判，如摧枯毀齒，因其自然，則可以不傷，而譚者又責其怯懦畏事，不知以如此之閣臣，事如此之英主，天顏隔于九闕，事權操于六部，而欲用一手一足之力，盡厭天下之人心，竊恐臯夔稷契而在，亦有所不能也。

答熊芝岡

遼事

讀大疏知門下以常平法積穀至十餘萬而且繕城

此芝岡林道時事也

砌臺修濠築墻爲遼人建數百年之利嗟夫使天下之爲宦者皆如門下將天不能災歲不能害夷狄雖強不能爲梗也而何至于匱困張皇如今日哉業已擬溫旨下部覆行矣初欲徑擬通行九邊然恐人以此嫉門下故且已之俟部覆再處也頃賑荒論中倦倦以贓贖積穀爲言其于門下之意殆有合焉屯田事則內中亦無人主持閣臣擁虛名耳雖屢擬旨督責何人奉行門下所云那有嚴旨做得一事者真

可嘆也。今日凡百不足。輒請內帑。此在 主上固當
沛發以濟一時之急。然爲國家而專靠內帑。豈是長
策。門下所云勤耕苦力。以自尋活計者。真是至論。今
之君子。誰肯做此事。亦誰肯發此言。門下于是乎不
可及矣。任事難。任事而任怨尤難。卽屯田一事。人固
有笑門下與不佞之迂者。不知古人有屯兵十萬。不
齎斗糧。載在史冊中。班班可考也。彼果操何術而能
爾哉。以九邊百萬之衆。盡仰給于轉輸。而絕不講求
祖宗養兵之舊法。此真可爲痛哭而流涕者。不佞

已矣。心力無所施矣。聊與門下一漫及之。

答劉雲嶠

疏揭

承教疏揭不宜太多。此是至言。然揆之時勢。則往日之疏揭可少。而今日之疏揭須多。何也。往日大事不行。小事則否。今大小事皆不行矣。小事行。故所爭者專在于大事。今大小事皆不行。則無所不爭矣。且如各衙門之署印也。大僚之陳乞也。銓部之掌選也。諸如此類。皆向之所謂小事也。然而停一日則一日之不便。欲不言得乎。近者戶刑兩部之署印。至用數十

揭苦請而後得如是則揭安得而不多上安得而不厭也至于疏揭之發抄委爲不是無奈人情相責望罪其緘默不得已將事體明顯如儲講枚卜考選大僚之類所可露草而言者稍與抄傳以塞天下之口而他之從中密請內降封還者非但不敢抄傳亦不敢以告人也今日世道得清議之力亦受清議之苦蓋古人作事尚有許多委婉至于穢其迹污其名而不恤而今日稍有曲折議論便生衆喙一騰身名俱敗故其弊也寧失人主之歡而不敢犯悠悠之口寧

視事之不成而不敢使心之不自。所以上下之交日離。而于天下之大計卒無濟也。近孫淇澳見貽一書。爲忠告之譚。不肖報之。謂病症異常。雖有神醫。必切脉觀色。深究病源。而後爲之處方。庶幾萬一。若未嘗覲面相對。而徒此以症往。彼以方來。藥非不良。而于病終無濟也。

與申瑤老第二書

閻臣

自不肖受事以來。六曹之政。絕未嘗有一語相聞。甚至上疏之後。揭帖亦無。直至發擬。然後知之。倉卒之

間無從商確、直以意爲之稟答而已、至于事有壅格、則無人不相委罪、卽六曹亦云、吾疏上已了矣、其得旨與否、閣臣事也、故嘗謂今日人情、論事權、則其推閣臣于事外、惟恐有一毫之干涉、論利害、則其扯閣臣于事中、惟恐有一毫之躲避、其難易苦樂已大失其平矣、而又事無大小皆須催請、催請稍遲、便相督過、每日閣揭常數十上、至有一事用二三十揭、而譚者猶病其緘默也、豈不困哉、不肖無聊之中、每思高皇帝罷中書省、分置六部、是明以六部爲相也、閣

臣無相之實而虛被相之名。所以其害一至于此。今
惟遵高帝舊制，仍裁閣臣，而以天下事仍責之六
部。彼六部操柄在手，事有分屬，猶可支持。其與閣臣
張空拳叢群責而徒憤悶以死也，不大相絕哉。向欲
以此意形之論奏，而恐其駭人，終不敢吐。今漫爲吾
師一述之。

答涂制臺

封虜

余司馬

馬封虜

王

時中

朝亦多

浮議

涂

奏疏中

可見

六曹事務與閣臣杳不相聞。昨見大揭，始知該垣之
有抄叅也。今人視封事太重，持論太輕，不知塞下之

安危全不係于虜封之成否。所以封虜者。亦以故事。如此彼既來請。不可靳之耳。其遲其速。何足介意。譬如小兒索果。但當與果。食與不食。不必強也。夫所謂辱國者。或我使至虜庭。虜僣蹇不受。如宋人之於元昊。近日之於倭夷。乃爲辱耳。今齎勅者。不過冗雜小臣。不足以當命使。勅留塞下。來領則予。不領則勿予。於我之體面。毫無所傷。柰何以虜之領不領。爲我之重輕。不幾于倒持太阿。授人以柄乎。若欲將勅收回。俟其來領。又再與之。則忽出忽入。其輕愈甚。思已靳

而復施。汗旣反而復渙。豈成事體。此殆持議者不審
之過也。第書生也。不諳塞事。但據其所見。始終謂封
事不必譚。俟其自來。聽其自至。間騰文告。謂朝廷念
其先世恭順。不絕其封。勅書已具。如其遲延不領。責
當在虜。我無預焉。如藉此要挾。必不汝聽。我中國何
利於封虜而急急爲此也。今日處此事。似只當如此。
自是省事。彼廢弁何所售其謀。遊客何所鼓其舌哉。
若虜渝盟犯順。邊備不戒。則封疆之臣。當任其責。又
不待廟廊之過計矣。向時掣任事之肘。多在于大臣。

今不在大臣矣。又凡事皆然，不獨此事。第之所以決欲去也。

答韓辟哉

海警

海警紛紜，人情震擾，知煩門下之清思也。望日有三賊舟至松下，報至，邑人皆鳥獸竄。蓋在嘉靖戊午，倭賊不二三百人，臨城守埤之人，聞銃聲卽走，頃刻城破，屠戮無遺，毋怪乎今日之驚懼也。彼時倭來，極多亦不過千人，其餘盡係漳泉之人，然他處尙未有從賊者，今敝郡奸民，平居無事，尙縱橫海上，殺人如麻。

莫之敢問。卽被殺者亦不敢告。一旦有事。此輩盡化爲賊。內地之可憂。更甚于倭矣。昨松下之賊。彼處恬然不驚。而闔邑人惶駭若此。幸徘徊一二日。揚帆而東。未敢登岸。然安知不爲此以嘗我。且狙我乎。報倭者卽稍張皇。願勿以爲罪。不然。以後不敢報矣。敝邑以淫雨故。城垣倒塌。百戶弛廢。得此警竦一番。在事極力爲綢繆補緝之計。良云厚幸。但兵食空虛。難于料理。往時當道以敝邑爲省城門戶。設兵數百名。爲福清管。其後改爲總鎮標下。今誠酌量派撥。使人情

有所恃不至逃散。福清安而省城亦安矣。門下向有此意。故敢申之。若倭之情形。以鄙見度之。一時未必入犯。卽入犯而我仗當道之威靈鼓舞將吏以與之抗。彼一創則數年不來矣。董凡龍亦有此論惟其據雞籠淡水求與我市。我應之則不可。不應之。彼且借爲兵端。而其地去我順風僅一日程耳。彼無所不犯。我無所不備。諸凡濱海去處。皆不得寧居。而奸民且挾以爲重。益與之合。此則門庭之寇。腹心之疾。其爲閩禍無已時也。以宗社之福。諸公祖之庇。未必至此。然事勢不得不慮。

不得不爲之防者、偶爾念及、輒敢私布之、

考

朝鮮考

朝鮮

朝鮮箕子封國、漢初爲燕人衛滿所據、傳至右渠、武帝攻殺之、置真番、臨屯、樂浪、玄菟四郡、漢末公孫氏晉高氏竝據其地、高本扶餘別種人、改國號曰高麗、居平壤、卽樂浪也、已爲唐所破、東徙、後唐時王建代高氏、井有新羅、百濟地、益廣、東徙松岳、以平壤爲西京、元至元中、西京內屬、置東寧路總管府、畫慈嶺爲

皇明經世編

卷之一

九

平遠堂

界國朝 高皇帝洪武二年王顥表賀卽位遣符璽
郎僕斯齋金印誥文封顥爲高麗國王使者入謝上
從容問王居國何爲城郭修乎甲兵利乎官室壯乎
顥首言東海之波臣朝夕禮覺王甚恭他未皇也璽
書諭王佛法非所以治國梁武後世之前車也王其
毋惑以王君臨一方而出令之無所其何震之有王
國北接虜而南隣倭虜創于此恐將逸於彼倭狡而
貪出沒海上且窺王虛實朕私憂之設險蒐乘以固
吾圉惟王念哉今以經史諸書賜王其悉朕意中書

崔臣言高麗使者往來私爲市非法請征其入而禁其出不聽五年顓請徙耽羅國所留蒙古人及征蘭秀山逋寇報詔耽羅爾附庸也蒙古人亦人耳爾何棄焉逋寇以朕命命之傳檄可致勿用兵頃之貢馬五十匹道亡其二使者以聞及馬至無恙詰之則使者所償也上責其不誠却之七年諭中書省臣曰古諸侯事天子比年小聘三年大聘五年一朝九州外夷戎世見而已高麗去中國近知經史禮樂非他邦比宜令三年一聘不則比年聘曩高麗貢獻數使者

溺海幾不返甚失朕意丞相其明以諭王八年黷弑
死子禍嗣貢不如期却之羈其使周諡仍勅遼東守
臣絕勿通十七年表請故王諡及嗣封不許十八年
許之明年貢馬千匹布萬疋謝請易冠服不許指揮
高家奴自其國市馬婦言禍離馬直上令給之二十
一年國相李仁人廢禍立王昌歲中兩請入朝皆不
許李成桂復廢昌立定昌國院君瑤瑤嘗遣子奭來
朝奭未靖而成桂廢瑤自立王氏自五代至今傳數
百年絕其國評議司表言禍昌不當立瑤暴虐失人

心國虛無王舍成桂莫適與也惟朝廷命之上曰
彼夷耳吾何誅成桂更名旦徙居漢城已請更國號
詔仍稱朝鮮二十八年入貢表語謾逮撰表者鄭總
羈留之旦老請子芳遠嗣永樂元年賜冕服經籍從
芳遠請也六年世子禔來貢八年獻馬萬匹助征虜
十三年表更立禔爲世子是年芳遠老請以禔嗣宣
德元年遣使賜禔五經四書及性理大全綱目通鑑
因謂禮臣是書有國家所當知朕嘉惠遠人故賜之
四年禔進海東青制詔珍禽異獸非朕所貴其勿進

方物效誠而已、毋金玉器、徇再進再諭之、已請遣子弟入學、不許、仍賜諸書俾學于國中、正統四年、建川夷酋凡察童倉逋居朝鮮界上、別酋李滿住以爲言、詔問徇亡何、凡察歸建州、徇表言凡察以窮歸臣、臣遇之善、卵翼而遂飛、必索之、凡察復言徇羈留其私屬、請檄還、不則隨以兵、詔兩解之、且慰藉徇、國家以王爲東藩、如凡察直夷畜之、何敢望王、彼其懷鳥獸心去留無恒、王第善自備、毋與較、景泰元年、賜徇世子珣冕服、徇卒、珣嗣、三年卒、子弘曄嗣、釋而辱、遜其

叔璚天順三年邊臣疏璚私與建州夷酋董山通已
又殺毛憐酋郎卜兒哈累詔戒諭之成化三年進海
青白鵲却之時方征建州璚遣中樞府知事康純等
率兵助王師捕斬李滿住及其部落遣使來獻俘璽
書褒嘉之明年璚卒子晄嗣六年晄卒從子斐嗣復
出兵助擊建州捷聞遣中使賚王金幣并及其將士
弘治八年斐卒子隆嗣慙病風遜其弟懌嘉靖二十
三年懌卒子崐嗣未踰年卒子恒嗣時日本入寇舟
漂至朝鮮及奸民往來海上私與倭市恒輒捕以獻

上亦厚賜予答其意。隆慶元年，恒卒，從子昞嗣。李氏自成桂以來，事朝廷恭。歲時朝貢外，慶慰報謝無常期。行李踵于道。王嗣立，則使者往封。有大事，則頒詔其國。他夷不敢望也。始成桂立，高皇帝雖置不問，然心惡其篡，而傳者復以成桂爲仁人子。故祖訓謂其父子先後弑王氏四王。其後嗣當永樂、正德、嘉靖間，累表自白，言恭愍之弑，由嬖臣倫仁人誅倫立。禍禍旣立，則遣兵侵遼東。先臣成桂懼于上國，逐其兵，禍遂遜位于子昞。而恭愍妃安氏以禍昌，皆非王

氏不當立。乃黜昌立瑤。此中大有所謂瑤復不道。國人請命。高皇

帝立先臣。瞻瑤別邸。終其身。先臣實未嘗爲弑。而虛蒙此聲。又家世出新羅司空。顧以爲仁人子。皆冤甚。乞下史館昭雪之。今上初。乃得請。其地東西相距二千里。南北四千里。分八道。統府州郡縣。其設官略倣中國。以田制俸。刑法不苛。俗柔謹。崇釋尚鬼。惡殺。茅居。芋衣。知文字。喜讀書。上下威儀。燦然可觀矣。山川九都神。嵩北岳。海鴨綠江爲大。產金銀鐵。水晶鹽。紬苧布。白礬紙。狼尾筆。果下馬。長尾雞。貂獬海豹皮。八

稍魚昆布、杭黍、麻、榛、松、人參、茯苓，其貢道由鴨綠江，歷遼陽、廣寧，入山海關，達京師。成化中，苦女直邀劫，請改道，職方郎劉大夏持不可。議遂寢。論曰：隋唐之際，高麗勍矣，觀其勤萬乘，抗前旌，固東夷之雄也。明興，濡沫仰流，皇風淪被，俎豆詩書，爲冠帶國，聲教遠矣。彼威之而不來，此柔之而愈服，雖招攜有經，亦先聖之遺化也。成桂初興，逆取順守，引于今茲，藩封勿替，可謂盛矣。而襲休日久，積弱形成。日本侵據數年，賴中國力而復之，此文不盡知。著考時在前也。高皇前言徵于左，崇神聖之所，豫謨有國家者，曷可忽哉。

西蕃考

西蕃

西蕃古吐蕃地。本羌屬。凡百餘種。散處河湟江岷間。至唐時。并吐谷渾始盛。唐末復衰。宋入貢不絕。元世祖始郡縣其地。以蕃僧人思巴爲大寶法王。帝師。領之。嗣世弟子號司空司徒國公。佩金玉印。明興。洪武二年。遣使持詔諭之。隨寇臨洮。守將韋正禦之。時河水未合。師不得濟。正祝天。賊若平者。則令河水。頃之有冰。頃之有冰如巨屋。自上流而下。風隨之。冰合。卽渡河。擣其營。賊大驚請降。自是諸部相繼來歸。六年。

令諸酋舉故官授職以攝帝師喃加巴藏卜爲熾盛
佛寶國師給玉印置烏思藏朶甘二指揮使司及宣
慰司招討司元帥府萬戶府官故國公南哥思丹八
亦監藏等爲指揮宣慰招討元帥萬戶等官領之明
年陞烏思藏朶甘爲都指揮使司置西安行都指揮
使司于河州以韋正爲使統二番司復封番僧爲大
寶法王大乘法王闡教王護教王闡化王贊善王凡
七王各給印誥俾導其衆約比歲或間歲一貢使者
時往撫諭八年川藏族殺我使鞏哥鎖南等於是命

衛國公鄧愈爲征西將軍，沐英副之，討川藏，師分三道，進覆其巢，窮追至崑崙山，俘男女一萬口，馬五千匹，牛羊十三萬而還。十二年，洮州十八族番酋三副使汪舒朵兒癭、噶子阿卜商等叛，據納隣七站，復命英討之。英兵至洮州，賊皆遁去，斬叛逃土官阿昌失納等，築城于東籠山南川，留兵戍之。疏聞，上曰：「洮州爲西番門戶，城之是扼其喉矣。」命置洮州衛。英兵進擊三副使癭素子，悉破擒之，斬獲人畜甚衆。十五年，勅松州衛指揮耿忠令番人計戶出馬充賦，名爲

即金碑所徵發事。

皇明經世編

卷之十一

五

例也。

差發二十年。禁番使闌出麻鐵。二十五年。建昌衛指揮使月魯帖木兒。繹忽樂等叛。都指揮使瞿能討之。月魯帖木兒遣人請降。諸將疑其詐。請擊之。能不聽。賊遂遁去。上命涼國公藍玉討之。月魯帖木兒與瞿能戰敗。玉誘執之。送京師伏誅。玉因言四川地曠山險。控扼西蕃。連歲蠻夷梗化。蓋由軍衛少而備禦寡也。宜增置屯衛。杜遏奸萌。從之。玉又請籍民爲兵。并討長河西朶甘百夷。上曰。民勞甚。復籍之。其何以堪。長河西諸夷姑待後舉。玉遂班師。明年。製金牌信

符遣使頒給諸番諭之曰。往者朝廷有需于爾。必以茶貨償之。未嘗暴有徵也。近聞邊將多假朝命。漁獵爾等。朕甚惡之。今後遇有差發。必合符乃應。不者械至京罪之。隨立茶馬司於洮河二州。聽番人以馬易茶。民毋得私市。違者死。遣曹國公李景隆至番市馬。以茶五千餘斤。得馬一萬三千五百餘匹。分給衛士。復令禮部檄長河西打煎爐番酋。責以納馬修貢。諸番咸稽首奉約。茶法大行。永樂元年。遣使賜番酋及諸國師白金鈔幣。定番族來朝賞格。四年。迎番僧尙

師哈立麻至京、封爲大寶法王、厚賜遣歸、明年遣指揮劉昭等往西番設驛通使、仍撫諭軍民、昭還遇番賊刼掠、率衆攻敗之、洪熙時、曲先安定二衛酋邀殺中使、朱英討破之、以番兵從征功、國師宛卜格刺思巴等皆晉秩、給誥命銀印、宣德元年遣太監侯顯等使諸番、更三歲方歸、正統四年、生番隨渠等八百二十九寨寨首曲吾巴等、各遣僧入貢、初諸番有欲貢者、爲生番所阻、松潘守將趙得遣人諭之、故相率貢、旨揮趙諒與番僧商、已有隙、因與得誘執之、掠其財

其弟小商巴率衆入犯遣都御史王翱都督李安討之翱察其枉出商巴于獄具以聞諒伏誅得謫戍復命商巴爲國師十四年停西番金牌歲遣行人四人視茶政景泰間西番黑樓等三十一處男婦一百餘人朝貢諸番柔服獨董卜韓胡都指揮使克羅俄監衆稍桀黠悖慢屢詔讓之未幾死天順五年番寇涼州圍都督毛忠總兵宣城伯衛穎戰却之八年西寧番族把沙作亂穎與巡撫都御史吳琛率衆討破之初番僧入貢不過三四十人景泰漸增至天順遂至

二三千人前後絡繹賞賜不貲所至騷動成化元年
禮臣以爲言詔諭闡化王令遵貢期三歲一至毋多
人毋雜用國師禪師等印未幾番僧劄巴堅忝等以
秘密法進天子愛幸之法王封號至累數十字道從
用執金吾仗賜予駢蕃其徒錦衣玉食至數千人矣
九年岷州番入寇千戶包景禦之被害十七年給烏
思藏諸番王及長河西魚通寧遠等宣慰司勅書勘
合令貢時四川陝西驗入十九年以都御史阮勤言
歲運四川茶十萬斤至陝給賜番僧二十四年罷行

人巡茶以其不受約束者徵兵問罪以警其餘奏上
議行之正德初蕃僧復肆法王綽吉我些兒者烏思
藏使也以術得幸出入禁中請授其徒二人爲國師
還居烏思藏如大乘法王例入貢禮部尚書劉春言
烏斯藏遠在西方性極頑犢雖設四王撫化而其來
貢必爲之節制令毋患邊而已今無故遣僧往萬一
詐誘羌胡妄有所求請因以冒利不從便爲失異俗
意從之則反生事端其害甚大請罷之不聽尋遣奄
劉允入蕃取佛禮部尚書毛紀及臺諫連章諫止俱


不聽。是時西海通虜，亦不刺暴掠。西番無寧歲，徵兵逐勦，虜避走松潘，旋歸故巢，費以萬計，竟無成功。嘉靖元年，西番反，鎮守都督鄭卿討之，不能克。自是歲入境殺擄人畜，卿與諸將各擁兵不戰。總督尚書王憲以聞，詔讓卿。八年，洮岷番賊數入鞏昌，隴右騷動。自景泰後，茶政稍弛，番馬多不至，非復國初時矣。弘治末，命都御史楊一清理其事，一清請復金牌信符舊制。疏曰：臣考前代自唐時回紇入貢，已以馬易茶。宋熙寧間行之，所謂摘山之產，易廩之良，無害而有

利計之得者。我朝納馬謂之差發。如田之有賦。身之
有庸。必不可闕。非虐使于番也。因納馬而酬茶。體尊
名順。非互市交易之比也。且非獨以馬故也。蓋西番
之爲中國藩籬久矣。自漢武帝表河西。列四郡。斷匈
奴右臂。而漠南無王庭。今金城之西。綿亘數千里。北
有狄。南有羗。狄終不敢越羗而南者。以羗爲世讐。恐
議其後也。不然。則河洮岷隴之區。能無戎馬之跡乎。
夫羗夷之人。本非孝子順孫。徒以資茶于我。絕之則
死。故俛首服從。此制番控虜之上策。前代略之而我

朝獨得之者也。頃自金牌制廢。私販盛行。雖有巡茶之官。率莫能禁。坐失重利。垂六十年。豈徒邊方乏騎乘之用。將來遠夷無資于我。跳梁自肆。將生意外之憂。撤藩籬之固。甚非計也。請下所司。申明舊制。昭示番族。從之。十二年。烏都鵲鴿番爲亂。四川巡撫楊守禮討破之。是時金牌爲海虜所掠。盡散失。二十八年。劉崙以爲言。兵部議番族變詐不常。北虜抄掠無已。脫給而再失。失而又給。而又失之。如國體何。夫番人納馬。欲得茶耳。誠嚴關出之禁。雖無金牌。馬將自集。

不然終無益也。宜給勘合如成化故事。從之。四十二年。烏思藏闡化等王請封。上以故事遣京寺番僧遠丹班麻等爲正副使。以通事序班朱廷對監之。班麻在途騷擾。廷對歸白其狀。禮部議自後請封。卽以勅付其使。毋別有所遣。從之。封諸藏之不遣番僧。自此始也。王瓊旣定諸番。亦卜剌亦爲虜所收復。西陲稍寧。至隆慶末。虜俺答以迎佛爲名。復駐牧西海。蠶食日甚。番人大困矣。其地自烏思藏朶甘二都指揮使司外。爲指揮使司。一曰朶答。宣慰使司三。曰朶甘。曰

皇明經世編

 蒼霞正續集

西番

三

平露堂

董卜韓胡曰長河

其字雖長止一司也西魚通寧遠招討使司大曰朶甘

思曰朶甘龍答曰朶甘丹曰朶甘倉塘曰朶甘川曰

磨兒勒萬戶府四曰沙兒可曰乃竹曰羅思端曰別

思麻千戶所十七曰朶甘思曰刺宗曰孛里加曰長

河西曰多入參孫曰加入曰兆日曰納竹曰倫答曰

果由曰沙里可哈思的曰孛里加思東曰撒里土兒

千曰參卜郎曰刺錯牙曰泄里壩曰泗側魯孫皆洪

武間所置其後亦時有增設及族種甚繁不勝紀焉

番有生熟其受差發者爲熟番不者爲生番俗質直

朴魯。上下一心。君臣爲友。吏治無文。音樂尙琴瑟。食
酪衣氊。居毛帳。務耕牧。好狼鬪。貴壯賤弱。懷恩重利。
尊釋信。詛其山川。崑崙山可跋。海黃河析支。湟水爲
大。物產犂牛。獬羊。艸上飛骨。篤犀。金剛鑽馬。價珠銅
佛。天鼠皮。沙棠樹。黑驢爲奇。貢道由四川。陝西。屢違
約。多人且不如期。至隆慶三年。俱限三年一貢。定名
數。每處赴京。毋過十人。餘留邊候命。賞賜有全。有減。
著爲令。

論曰。西戎爲患。自三代然矣。盛于漢。熾于唐。而馴服

于明非向背之情異也。合則強。分則弱。勢固然耳。然當其強也。足以抗虜。及其弱。反折而入于虜。抗虜則虜虞。是虎爭之形也。折而入於虜。則我虞。是蠶食之漸也。是又無全利全害者也。夫正嘉以前。河湟之守未失。虜不西也。自亦卜刺通。俺答謫而青海爲虜穴。一日俺答通青海後至鄭洛爲經略而青海復清矣。負隅而耽耽。我其能久有羗哉。以羗合羗。尚爲我患。以虜合羗。憂方大耳。夫欲制羗命。伐虜謀。則有高皇帝之神謨在。其毋泄泄然以羗予虜也。

屯政考

屯政者自高皇帝元年令諸軍屯種龍江始也其
行於九邊自宋訥獻守邊策立法屯布始也當其時
邊境旣寧撤守關士卒僅僅備譏察外悉令屯田人
受田五十畝賦糧二十四石半贍其人半給官俸并
城操之軍其區畫何甚詳也文皇帝納黃福之請
至欲廣屯于遼陽而遣人徵牛于朝鮮且令各荒屯
曠土能自開墾悉蠲其賦而寧夏總兵何福以積穀
獨多下璽書褒諭其激揚何甚至也列聖相承遵而
不廢宣德中屯法大行頻歲豐登邊土一切用度多

以粟易。於是令戶部灌輸買糴。多至二三十萬石。少亦不下十萬。而天順中。都御史葉盛巡撫宣府。脩復官牛官田法。墾田益廣。積穀益多。以其餘易戰馬千八百匹。脩築屯堡七百餘所。其收利何甚博也。蓋國家所以強本實邊。禦虜安民。酌成周寓農之規。鑒近代養兵之弊。管仲讓其籌。晁錯屈其筭。而趙克國諸葛亮羊祜郭元振韓重華諸人遜其功。效法至善也。其後奉行不善。屯種軍餘。苦于賠補。相繼逃亡。田畝日荒。而九邊供輸之費。遂以大困。惟時心計之士。碩

畫之臣。相與持籌布策。講求修復。爲國家建無疆之利。而竟因循廢格。日以滋壞。及嘉隆以來。累清屯田。雖時盈時耗。而較其見存之數。大約損故額十之六七矣。蓋在洪永間。遼東屯糧以石計者七十萬。今十七萬。甘肅六十萬。今十三萬。寧夏十八萬。今十四萬九千。延綏六萬。今五萬。薊州十一萬。今僅視延綏山西計其初。當亦不下十萬。今得二萬八千有奇。是何盈縮相去若此甚也。愚嘗考求其廢弊之由。可爲振舉者四。而其可以徐議。未可卒圖者一。祖宗時屯

田諸軍給與牛具種子。優恤甚至。且不許他役妨其農務。其後邊事漸興。多抽屯軍補伍。于是屯種之人失其本業。而田遂就蕪。此可爲振舉者一也。祖宗時。沿邊曠土。盡以給軍。間有肥瘠不同。則令視其歲收之數。而考較之。謂之樣田。其後貪漁將領。多私其腴區。而移瘠瘠于軍士。低昂竄易。糧益不均。重以豪右侵奪。而農事益弛矣。此可爲振舉者二也。祖宗時。武備修飭。各邊多築城堡。且耕且守。得以爲備。故人皆自完。而不虞虜。其後邊險稍失。城堡多湮。胡騎

縱橫出沒。擾我禾稼。卽欲力耕厚積。徒爲虜外府耳。此可爲振舉者三也。祖宗時賞罰嚴明。政不踰竅。管屯之官。皆覈所積之多寡。而定其殿最。故人人自勵。其後玩愒成風。上下相承。以管屯爲職者。優游城市而不見阡陌之巡。以督屯而來者。憑信簿書而不校倉庫之實。踵弊襲偷。恬不知慚。屯政之廢又何惑乎。此可爲振舉者四也。若其利病得失之原。則又有大於是者。蓋國初塩政脩明。輸粟給引。賈人子以積粟爲利。各自設保伍。募衆督耕。畚鍤盛于戈矛。墩埧

密于亭障。軍民錯居。守望相助。屯田之興于斯爲成。其後納銀例開。無所事粟。商旣散埽。屯亦大廢。不數年間。邊事坐困矣。故今議者咸謂鹽政不修。則屯政難復。本本原原。其說當矣。顧愚以爲守法易。復法難。法在而復之易。法亡而復之難。今鹽引納銀。從來已久。一旦督粟于邊。吾恐度支之令未下。而輸輓之怨先興也。兼之軍國經費。半倚商緡。必欲以粟易金。弊且捉衿見肘。吾恐邊士之腹未充。而司農之計先窘也。所謂可以徐議。而未可卒圖者。蓋謂此也。嗟夫。九

邊重鎮國家根本。強胡跳梁。日睥睨其間。而空虛若此。至竭天下之脂膏。猶不能給。主計者徒仰屋而嘆。是不亦可爲寒心哉。今鹽法之舊。雖未能盡復。亦宜講求屯田之意。專委大臣督以修舉。令沿邊之人。隨宜占墾。毋問所從來。但使荒蕪日闢。穀價不騰。不必紛紛清勘。以滋厲階。俟人心樂趨。邊境稍戢。然後廣徵吏士。搜理舊章。需之歲月。遠收其利。此皆今日之所當亟議者也。夫欲內省民力。外裕邊儲。積豐于垣。士饜于伍。不煩輸輓之勞。無乏軍興之備。以撻虜制。

戎伸威固國非屯政曷繇哉愚故略著其顛末令憂國者得以考覽焉

京營兵制考

京營

歐陽公有云占之有天下者其興衰治亂未始不以德自秦漢以來鮮不以兵嗟夫兵之重也寧獨秦漢以來然哉蓋在周之盛時伍兩卒旅之法統於大司馬者已最爲詳備天子至躬萬乘之尊修秣餼琫琕之容以從事于行間故武備日張疆場無虞迨後畿輔削弱至不能具一旅之師以至于亡兵之重也若

此矣。歷漢而唐而宋，代有建置，然竟皆不振，豈其初制固然哉？積漸之弊使之也。我國家置兵，監酌往代二百年來，京師無肘腋之虞，強臣無專制之患，爲謀臧矣。顧兵政之設，易壞難修，其盛也，南剿北伐，威加方外，而其弊也，至尺藉空虛，大司馬四顧張皇，計無所設。至厯廟堂宵旰之懷也，則豈非因循耗蠹之大驗哉？蓋明興制兵有五軍營，五軍營變而爲三大營，三大營又變而爲團營，團營又弊，而戎政府之名始立矣。其沿革之由，盛衰之故，大槩有可考焉。五軍營

者。高皇帝所定也。籍留守等四十八衛之衆。而訓練之。有中軍。有左哨。有右哨。有左腋。有右腋。而總之曰五軍。無事則戒弓馬。習技擊。環衛都城。有事則簡師命率。分統以出事。已而休。制至善也。文皇帝時。仍五府之舊。增七十二衛。又以龍旗寶纛等物。下三千胡騎。立三千營。後征交趾。得神鎗火箭之法。立神機營。是爲三大營。三大營之訓練。如高皇帝時。而河南山東大寧中都四都司之軍。又歲以班操至。春秋番練。如三大營。益詳備矣。洪宣之世。海宇昇平。兵

革不試將媮士隲日以廢壞至于正統嬉恬益甚京營之兵幾不能受甲此已已之變所由興焉于肅愍逢多難之秋深惟良策廼于三大營之中拔其驍銳分爲十營營萬人其統之之官則隊長統五十人隊官統百人把總統千人都指揮統五千人訓練之方則有八陣八陣分而爲六十四陣纖微委曲咸有條理雖未能盡如祖宗之舊要以救弊舉廢振弱爲強斯亦有足觀者矣大抵法久則蠹人久則玩以二祖之盡制曲防勢禁形格不三傳而遂壞其壞也

以肅愍之忠勤。景帝之責任。日夜焦勞。而僅僅得
十萬之師。爲國家用。亦足以明兵政之易壞而難修。
已。天順初年。務反景泰之所爲。遂革團營。八年而復。
成化初再革。二年而復。又增爲十二營。曰奮武耀武。
練武顯武。曰敢勇果勇效勇鼓勇。曰立威伸威揚威。
振威營萬人。京兵八萬。益以外兵八萬。分兩班隸之。
期年一報代。初十二營之選也。其任者名曰選鋒。不
任者歸本營。名曰老家。老家固已孱弱。而所謂選鋒。
其。實。無。以。異。也。。者。歲久而浸失。其初供役于私門。掊克于主帥。上下

相蒙。苟歲月無事。愈益脆懦。斯其與老家何異也。庚戌之役。虜叩郊關。而無能以一矢相加遺。都門晝閉。烽燧燭天。肅皇帝震怒。責令廷臣。博謀所以強兵禦虜之略。諸臣廼請復三大營。改三千爲神。樞統以勲臣督以樞臣。巡以臺臣。省臣其大指俱如洪永時而規制爲備。上是其議。著爲令。及今數十年矣。其蠹弊之端。又有甚于曩日者。當文皇帝建三大營時。挽強超距之士。不下三十餘萬。一損而爲十萬。再損而幾于無兵。嘉靖雖復祖制。而兵籍存者。不能加

團營之數。又缺額者十之二三。挂名投閑買差替役者。又十之二三。則當時亦已無兵矣。况在今日。而欲求抗旌揭竿。射石飲羽之夫。爲國家用。安從出乎。此其故難言之矣。夫將之于兵。若家人父子之相屬也。故必休戚相通。而後能臂指相使。今京營諸將。非皆以才見庸。素拊循士卒者也。多賈人子厚金帛。結中官權貴。而爲之請托者耳。夫彼旣輸財于此。不得不取償于彼。故有索月錢需常禮。恣意誅求。若以爲當然。而不可易者。國家歲漕東南之粟。數百萬石。以贍

兵而兵歲出月糧之半以贍將。將愈飽而兵愈饑。甚有典衣鬻兒而枵腹待命者矣。何以振士氣而鼓其銳乎。此病在將領之侵奪也。夫器不用則敝。士不訓則衰。今京營將士教戰之法。歲不過數月。月不過數日。其下操也。目不識進退之節。手不習擊刺之方。相與趨走納喊。若角觝拔河翹木扛鐵之戲已耳。甚者挾無弦之弓。挿無羽之矢。懸無鞘之刀。質明而入。未午而出。以爲故事若此耳。又甚者于下操之日。責追贖錢。漫無統紀。又甚者豪門占役。市井竄名。冒支經

費。按牘而求其人。皆不可考。行伍安得而不消。營陣安得而不廢乎。此病在操練之寡實也。文皇帝集班操之兵。爲居重馭輕之大慮。非以人衆飾觀爲也。嘉隆間。率供土木之役。番鋪是勞。未嘗操戈執銳。以從事于戎行。弊且寸挺不持。空身備伍。迄于今日。因仍已甚。領班之將。復多貪漁。富者賄免。貧者氣奪。彼其數千里。裹糧赴命。流汗浹踵。而不得休。廼使之營不急之務。應無藝之工。重爲其帥所苦。雖使孟賁烏獲。復任徵發。亦安能昂首伸眉。度功絜藝乎。此病在

班操之失制也。先皇帝時，蓋亦深燭其弊，上下咨嗟太息，求爲經遠之計，而人情久弛，振刷爲難。日復一日，偷安自喜，脫一旦有意外之事，發于倉卒，國胡以支之？誠使欲改絃調瑟，桑土綢繆，則莫如議任將必以軍功多者。猷望著者。駮歷深者。乃克其選。而統絳子弟，勿使之建旗鼓而坐于將壇之上也。又莫如議責實器械必精。伍兩必備。蒐簡必嚴。諸游惰者法後期者法。將弗恤士者法。堅持而行之，勿因人言不便而遂廢格也。又莫如議存恤凡士蕃休至者，毋苦

以他役。使得一志畢能。各習其務。曉然知國家所以勤勞訓誨之意。而忘其跋履之難。一有緩急。能得其死力而後可也。如是則有將有兵。戎務稍舉。而又時稽其克耗。月程其功效。使祈父之譴不興。而六師之勇自倍。卽二祖威靈可復振也。又安在兵制之詳略哉。

議

保甲議

保甲

保甲之爲名也。自王安石始也。而保甲之所由行也。

不自王安石始也。自周之比閭伍兩始也。周行之而善。安石行之而不善。則其故何居。周之法夷易易遵。而安石之法煩苛而民不便也。如三時務農。一時講武。周法也。而安石以十日蕃休。民失業病矣。八百家出甲士三人。步卒七十二人。周法也。而安石以二丁取一。民繫籍病矣。閭師黨正。以至兩司馬而上。畢簡賢能。周法也。而安石所置巡簡指使諸官。此則盜序失宜率資緣爲未必刑公一人之所爲奸利。民侵漁病矣。故夫保甲之難行也。非法弊也。以人弊法。故法行難也。夫不察行法之何如。而顧云法

過舛也。因行法者之不善，遂槩取其法而格之，又舛也。則胡不程其害利而論之。自兵民既分，武備日弛，卒有萑苻之警，有司之徵調不及，直束手斃耳。誠能聯戶爲甲，聯甲爲保，束以長正，督以守令，器素精，藝素習，一旦不虞，猶庶幾以佐縣官之急，是編氓足任干戈，而金湯屹於田野也。此強兵之利也。覺察既嚴，人知自重，雖有作奸犯科之徒，椎埋亡命之黨，欲潛踪匿跡，出沒驛騷，而十家之衆必相糾舉，城社旣消，陰謀自解，此弭奸之利也。世非胥庭盜賊，滋有往往

禦人白晝鳴鎗通都而里閭罔聞鄉鄰弗救良爲可
嘆此法行則一鄉之渙合爲一家併心戮力如臂使
指非有跼蹐雄暴之資孰敢睥睨于其間者此禁盜
之利也萃渙合離人有統率平居無事則相與講明
國家之約束而遵行之戶聽於長長聽於正正聽於
令玩法有禁游惰有罰導善消辟其端在此此正俗
之利也乃其所爲害者又在於四利之中矣調保丁
以爲役科丁賦以充需胥徒踵至鷄犬不寧是本強
所。以。難。行。正。坐。此。
兵而反緣兵擾也間右之豪奔走下民如驅役隸又

鄉。兵。

其人卽正與長也。卽有所藏匿民懼見螫敢誰何乎。是本弭奸而反爲奸藪也。鄉鄙之地。廬烟星落。守望甚難。中盜失救。吏奉三尺隨之。再後有失。民相沉匿不敢告矣。是本禁盜而反藉盜資也。若長若正。既有名目。因而作威恫喝齊民。若大府然。孰敢不聽。是本正俗而反導俗橫也。爲害若此。爲利若彼。將安所權。而可哉。愚以爲法一也。胡周行之。覩其利。未覩其害也。又胡安石行之。覩其害。未覩其利也。則亦足以明得失之由已。故欲行保甲。莫若省事。端事端省。則法

皆畫一而民易守矣。欲省事端莫若重守令。守令賢則倡率得宜。而人胥服矣。欲重守令莫若嚴名實。名實覈則人肯任事。而無因循怠廢之病矣。此之謂以人任法。而非以法任人。覩其利矣。烏覩其害也。嗟夫。法之弊久矣。固其後之積漸使然。有不可強者。無論保甲。今天下衛所有兵。郡縣有兵。此其人皆占籍行間。日受粟給錢於公家。而骹骹脆弱。緩急不可恃。相與恬然安之。不知怪也。斯亦足爲太息矣。夫舉二百年休養之兵。而不能訓練爲用。乃欲以歲月之間。責

皇明經世編

卷之一

傅甲

三

平露堂

田野耒耜之夫操凶器而衛鄉黨保間舍又欲漸驅

所而漢民兵正用其新銳也

爲國家效一旦之命此王安石之所爲迂而司馬光

諸人所爲痛哭而力爭者也談何易哉談何易哉

序

邢司馬平倭凱旋叙

平倭凱旋

自宋以前中國所患苦無過北狄東南島夷直鱗介

東征之後或云酋首物故倭自退耳非將吏之

視之不能爲大利害也明興以高皇帝威靈海外

力然此亦忌功者之言耳海外之事功疑惟重可也

震疊獨倭數數入犯屢戒不悛其爲中國害駸駸與

虜衡至嘉靖而兇醜極矣然其衆不過數千其來非

有約結。欲與我爭雄長也。徒以貧窮不能自存。資剽掠爲生耳。然猶竭天下之力。數歲而後克之。豈夷狄盛衰亦自有時。不可以鱗介忽歟。自頃六七年來。倭困朝鮮。設謀蠶食。天子震怒。聲罪徂征。兵連不解。中間或媾或戰。變態靡恒。戰亦稍稍相勝負。議者憂之。而天子銳意必討。曰。毋庸遺此。以爲門庭患。維時閭外之事。則大司馬邢公爲政。公鼓舞將士。深入賊巢。於是有蔚山之捷。幾獲渠魁。賊保險固守。我師暫撤。而異議乘之前。勞幾隳。公益發憤誓師。蓄力俟。

時謀賊稍懈。百道竝攻。於是有釜山西生浦諸處之捷。賊旣困敗。糾合殘黨。互相救援。公豫布舟師。扼其要害。艤衝巨舸。大戰中流。於是有海上之捷。賊悉與衆遁歸。朝鮮之人咸復其業。歌舞載途。而我中國數年徵調轉輸。暴師勞衆之苦。乃得息肩。天子之恩德洽於外藩。其明威所被。至震於鯨宮蜃窟之表。莫不讐伏於乎盛矣。論者謂茲役有甚難者三。而攻戰不與焉。隔越滄溟。情形不通。則地難。興師歲久。結局無期。人情厭苦。議論易生。則時難。宿兵他國。客主相

持猜釁一開。毒且中潰。則勢難。公之仗鉞。又當我師
追怯之後。和戰紛拏之秋。徵兵有數千里之遙。而索
餉無旦夕之近。蓋其難又未可枚數焉。公從容堅定
不震不竦。竟挫強寇於鋒刃之下。掃穴蕩巢。廓清氛
禊。廟廊自此釋東顧憂。公之功顧不偉歟。在昔人臣
立功外國。率推班定遠。定遠所當。乃西域諸胡脆弱
易與耳。長平冠軍。倚角而逐匈奴。敵稱勁矣。然維時
舉中國以困虜。乃稍得志。而所損士馬。輒復過半。憂
戩乎其未易談也。今倭之勁。已與虜衡。諸所戡定。難

於三十六國。卽士馬不無損傷。然出塞入塞。公私之數。官閱之。視建元元狩間。何如哉。勝國於諸戎。無所不剪。一渡海而覆十萬師。終其世不敢以片帆東指。倭之輕中國。原在於此。假令今茲之役。不覩成功。使倭復得憫然逞志於屬藩。憂方大耳。彼定遠所招來西域遣子入侍。其輕重利害。視此又何如哉。蓋高皇帝嘗戒朝鮮使臣。靖語其王。毋輕弛備。以啓倭心。至下璽書申諭。聖謨淵深。夫寧爲朝鮮慮。亦以固吾圉也。高皇帝慮朝鮮於二百載之前。若合符契。今

天子卒能以神武定之。雖社稷之靈而公功亦不朽矣。公既告捷獻俘於朝上心大悅詔示天下令公班師還鎮公所部吏若密雲令王君輩屬余言爲賀余聞人素從父老談說嘉靖間事惴惴然有戒心於倭聞公之捷欲張之未能也故於王君請書此以復若公所爲運用之方攻守之略如古所稱顯允壯猷云者則尙有行間之士能頌說之無庸余言矣

大同府志序

大同志

郡邑之有志蓋古列國史乘之遺意不可廢也今方

內郡以百計。邑以千計。志不勝原。然跡其所紀載。不
過一方之故實。其關係尤未甚鉅。而大同一郡。古稱
五原雲中。自秦漢以來。綰轂夷夏。天下之所以治亂
安危。皆由於此。固非他郡邑所得絜其輕重也。高
皇帝蕩滌夷氛。首開茲鎮。樹以藩封。提衡九塞。而據
其會。成弘正嘉之世。犬羊桀驁。幾無寧歲。穆皇初
載。虜酋以紙幘之愛。就我臯牢。雖東西竝歎。而大部
所直。乃在雲中。制馭得失之機。惟茲鎮之文武。是任
甚難言之矣。郡故有志。而寂寥不稱。一切山川阨塞。

鎡穀兵戎興廢得失之故無所于考今守汪君乃加
意蒐輯遐探博採自郡治以至四封凡有關於疆域
有裨于掌故者無不眉列而于經武詰戎繕塞禦虜
與年來款貢顛末尤犁然畢具蓋非但一方之紀乘
抑亦謀國者之所必稽典金匱石室者之所必采也
今宇內承平諸所爲危機蒙兆補苴尚易惟塞下空
虛兵食俱誑虜貪關市賜予烽火不驚者已四十餘
年。歷稽往牒。未之前聞。馴極而驕。亦惟此時而又大
後續封未定萬曆三十五年時所修也故曰大
酋未建。諸部頡頏。其合而衆爲市。將以無厭困我其

附本尤

分而自爲鬪。將以餘鋒躡我。卽幸而且夕無虞。而人情愈偷。戎備愈弛。不出數年。亦終有決裂之患。是茲鎮之大憂也。夫寧茲鎮。卽京師不得高枕矣。往封事初成。議者輒謂因款可以修備。八事之課。令甲森然。顧行之卒未見效者何也。與之以無事。則人必安于無事。譬如脫韁之騎。鞭策安施。徵歌之場。沈酣曷禁。固其勢然耳。天祚國家。毋滋耽毒。茲亦駸駸其多事矣。試考志中所云垣牆當築墩。堡當修屯。田當復器械。當飭。諸如此類。不亦鑒鑒乎。安攘之長策哉。夫事

固有敗而爲成者。五堡之創。張中丞蒙禍。而毛司馬
緒其功。至今以爲利也。役固有費而反省者。邊墻之
議。余肅敏見格。而楊襄毅竟其謀。亦至今以爲利也。
要以沈幾敢任。破拘攣之見。以善爲封疆計。將何施
不可。此非守土諸臣。其誰望焉。孟舒。魏尚。李廣。皆守
雲中。威名振乎殊俗。今之守。雖視昔差輕然。天子
聖明。所簡用。封疆大吏。自督撫而下。皆一時之選。而
汪君以文武才佐之。吾知雲中之不憂虜矣。雲中安。
天下乃安。此余之所以三復于茲志也。因汪君以序。

請遂書此復之。用識簡端。

記

陽岐江改復舊路記

陽岐江

公與董見敵書云。峽江改路之事。以省下士大夫失

閩會城之南。有江達于海。其水自上流四郡千餘里

渡船即舍之。利。故力爭之。有欲改路者。即以大田驛

皆滙於此。兩山東之故名峽江。怒濤激浪。急溜旋渦

風水事切持之。文忠時在開也。路成時亦尚在明

險若瞿塘。自峽而上。可二十餘里。爲陽岐江。水勢紆

緩。一葦可航。勝國以前。行者皆從此渡。稱坦途矣。其

後以兵亂榛蕪。間逢虎暴。乃徙而由峽。路雖稍夷。而

每值風波。輒莖魚腹。卽近者隆萬間。大比之歲。生儒

溺死以千百計、行旅病之、欲仍復舊路、而人情因循、
憚於改作、屢議屢寢、直指陸公來按閩、悉心民瘼、百
廢俱興、檢舊牘、得前福清令條議、慨然嘆曰、茲路不
更、其母乃委民于壑乎、檄下郡、亟圖之、太守喻公躬
往相度、如陸公指、而或者又難其費、甚且謂余規大
田驛爲墳、而創此議也、憲使陳公持之堅、方伯丁公
力主之、以上陸公、公報可、且相與計茲役也、議論實
繁、今決以兩言、不煩民、不改驛、又安置喙、將鳩工屬
丁公奉命撫閩、而左轄袁公亦適來佐其議、乃移渡

于陽岐江自江而南剪棘斨石夷高堙下闢爲周行者五十餘里爲橋二公館二鋪舍六亭一徵廬十增渡舟八延埴材木人徒之費爲金以兩計者一千七百有奇皆取諸沒入之貲與兩臺贖鍰官不損帑民不與聞經始于辛亥季秋告成于壬子之季春較其道里視峽江減十之二自吾邑以至莆陽泉漳之往來于茲者江行如陸陸行如市陽侯不驚猛獸屏跡萬口騰歡歌謠載道而丁公陸公復博訪于衆謂取渡蕭家道緣吳山徑達臺江尤爲徑便惟沙洲稍隔

則浮橋澆柱之法可行乃更爲除道建館與陽岐路
竝存以待人之自趨其計畫周詳一至于此丁公以
書來告余使爲之記且曰此事爲道旁之舍久矣斷
而必成惟直指公次乃諸大夫不佞何力之有自今
而後遵道遵路無忘直指與諸大夫以擬于召埭白
堤是在邦人余南向再拜稽首曰是惟中丞直指與
諸大夫恤我閩人出之蛟宮蜃窟而登之唐莊敢不
世世拜賜因思三代王政輿梁道路無不置力單襄
公過陳道弗不治卽知其國有大咎况于百千萬人

之所跋涉。與馮夷爭一旦之命。其爲患害何如。而可
恬然置之乎。昔交南七郡。泛海轉輸。沈溺相繼。鄭弘
奏開零陵桂陽道。交人賴之。楊厥通褒斜而罷子午。
後世爲鑿石頌德。卽吾閩萬安橋之役。父老至今頌
說蔡端明不置。千百載而下。此爲再見。而今日之舉
事半功倍。公私晏如。較之往代。更爲難耳。乃余于此
有深慨者。夫夷險問之水濱。遠近稽之道路。利害折
之輿情。至爲易辨。猶不免于悠悠之譚。幾成阻格。蓋
人情多端。口語難信。天下事之困于議論。大較皆如

此矣。此中丞直指，所以大造閩也。

重修天寶陂記

天寶陂

吾邑濱海，土田瘠薄，又鮮泉源灌溉之利。雨暘一不時，苗立稿矣。惟西南有陂，名天寶。水自仙遊而來，歷清源善福達新寧仁壽二里，沃田數千頃。宋元符間，即公簡修之，故又名元符陂。其後屢圯屢築，萬曆己丑，則耆民周大勲奉邑令歐陽侯之命，發西陳石圳堤二百餘丈，農民賴之，抵今將三十載。值今歲淫雨，復有頽潰。適王侯來蒞邑，咨諏民瘼，知茲陂爲邑大

利病詢于衆孰可任厥事僉曰故壩長大勲子文遜
篤誠勤幹習于水利令之董役必能底績侯忻然進
而命之文遜條上方略咸當侯意遂使鳩工下令有
湮圳決防梗法便私不輸錢服役者悉治以罪人心
肅然侯又捐俸爲資役者競勸石以丈計土以箕計
畚鍤之工以日計悉虔悉力莫敢窳惰其最要害如
西陳溝頭濱江海墜尤所加意水利悉復歲不能災
五洋二十五墩數萬人咸被其澤頌侯明德無以爲
報余觀自古循吏爲民造命莫不以導水興利爲第

一義而吾邑以頻年無歲租賦之不時以爲長吏憂
吾儕邦人其亦有餘愿焉今幸徵惠于侯舉數千頃
之田旱澇無虞其亦相勸于惟正之供俾侯不以催
科見督是乃所以報侯也而周君父子先後有勞于
茲陂亦可謂好義修事者矣然余觀邑治之前又有
祥符陂其利病與茲陂同傾圯尤甚惜無如周君者
能奉侯之德意慨然脩復此余之所以于茲役而重
有望也。

皇明經世文編卷之終